

我的老師

沈鈴惠撰

各位評判老師、各位好朋友，大家好，我是編號第 00 號，今仔日欲演說的題目是「我的老師」

時間一工一工咧過，對幼稚園到國校仔 5.6 年，我斟酌共算算咧，有規十个老師，人仔講：「老師是人類靈魂的工程師」，一點仔都無著，毋管是幼稚園，抑是國校仔，逐日都交代阮遮的寶貝囡仔，愛聽話，守規矩，引恁阮行向光明的前途。

會記得仔幼稚園，老師就親像我的阿母，下課仔要迫迫物仔，袂輸仔顧賊仔咧，驚阮跋--落去，受傷，兩蕊目睷是金金相；若有人無細膩，去共衫仔褲用澹去，就會叫阮共衫仔褲換換咧；食飯的時陣，若有人食傷慢，仰是食未落飯，老師就會叫逐家排規排，一个一个共碗哩的飯飼予完；中晝食飽，閣愛顧阮囡中晝，親像老母咧顧囡，一幕一幕的往事，予我感覺心肝頭有一陣一陣，燒烙的溫暖。

仔國校仔三、四年的陳導師，感覺予我成績進步上濟，是一位無蓋懸的矯查某囡仔，大大蕊的目睷，若掠阮逐家一看，就會感受著伊的威嚴，人講：「捷罵袂驚，捷拍袂疼」，毋免等伊的菱角喙來開金口，就予阮驚甲必必掣，若有較蠻皮的囡仔，免講伊兩、三句就頭犁犁，閣有點心通食，就是愛抄寫課文，免三遍就乖唷唷袂作怪矣。

阮陳老師電著一部膨膨的長頭髮，伊的外號阮攏叫伊米粉的，平常時伊攏真好笑神，囡仔若莫傷狡怪，伊對逐家攏是輕聲細說，真溫柔。老師的撇步真濟，叫阮愛守規矩，若是仔走廊用走的，就會罰寫作業，落雨天袂使走去外口淋雨，若刁工去耍水，嘛愛罰寫作業，毋過若是表現好的行為就會加分，老師講：「捷做手袂鈍」骨力的囡仔兄，囡仔姊，老師會請個食餅仰是糖仔，功課表現優秀的囡仔，攏有

好的獎勵，阮抑真恰意有老師的牽教恰關心，予阮的功課一直進步。

毋若有班級的導師，抑有科任的體育、音樂、台語恰自然的老師等等，體育老師身材好，人懸大、腳手猛掠，音樂老師溫純性情好，有鶯聲燕語的聲嗽，台語老師人趣味愛講笑，若講孽譎仔話、俗諺語會予你聽甲笑咪咪，自然老師教阮實驗課的時陣，袂輸咧變魔術真趣味，阮有遮濟愛阮、疼惜阮的老師，我感覺真幸福。

阮抑欲祝福教阮的每一个老師身體健康、平安順序、食百二。

我的演說到遮，感謝大家。